

久米島舊作九米島在那霸港及計羅摩島西周廻六里二十町所屬間切二曰中城曰具志河港二其南曰

兼城湊港深一町濶五十間其東曰町屋入江其港淺狹船隻難泊並皆去那霸港四十八里國史所謂球美見續

紀書明人以稱古米即此及廣輿圖等閩人三十六姓之後所居也直北五里有鳥島者隸焉即謂久米島者

粟島在戶無島北其周廻二里十二町去那霸港西北三十里

伊惠島舊作伊島即明人所稱移山嶼廣輿圖閩書等五島相接而至今歸仁西北港口港名曰爾與波入江去島港口

約可二里其周廻四里七町

惠平屋島舊作惠島隋書作龜鼈嶼明人以謂熱壁山或謂葉壁山熱壁見使琉球錄及廣輿圖葉壁見閩書按廣輿圖分載龜鼈嶼熱壁山者訛

周廻二十六町在今歸仁間切正北十里其南小島名曰乃保即隸于此乃保島周廻二十三町去惠平屋島五町

伊是那島在惠平屋島南里餘周廻二里十八町所隸二島其南曰具志河其北曰柳葉並皆狹小非有居人者

鳥島在惠平屋島東北五十餘里周廻二十四町厥土產硫黃明人所謂硫黃山即此廣輿圖閩書等

以上九島古中山之地

輿論島論舊作輿島明人稱絲奴島在沖繩島東北而其北接水良部島絲奴見閩書周廻三里五町所屬村二曰

武幾也曰阿賀佐其港曰阿賀佐泊泊即謂可泊船之所也去自連天湊東北行二十里而至于此淺狹

大船出入易出未入

永良部島舊作惠羅武島在輿論島北而其北接德島明人稱野刺普即此見國書南島名永良部者凡二隸大

義未詳云周廻十里十八町所屬間切三曰木比留曰大城曰德時其港曰太和泊去自輿論島東北

行十三里而至于此港深二町二十間濶二町四十四間大船未易出入

德島舊作度九島國史所謂度感島見續日在永良部島北而其東北接大島周廻十七里三町所屬間切三

曰東曰西目曰面繩港三其東曰秋德港港深一町濶三町去自永良部島東北行十八里而至于此其